



30 November 2011
30 November 2011
P.U. (A) 384

WARTA KERAJAAN PERSEKUTUAN

*FEDERAL GOVERNMENT
GAZETTE*

PERINTAH TENAGA BOLEH BAHARU (PERUNTUKAN
DARIPADA TARIF ELEKTRIK) 2011

*RENEWABLE ENERGY (ALLOCATION FROM ELECTRICITY
TARIFFS) ORDER 2011*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA TENAGA BOLEH BAHARU 2011

PERINTAH TENAGA BOLEH BAHARU (PERUNTUKAN DARIPADA TARIF ELEKTRIK)
2011

PADA menjalankan kuasa yang diberikan oleh subseksyen 24(1) Akta Tenaga Boleh Baharu 2011 [*Akta 725*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Tenaga Boleh Baharu (Peruntukan daripada Tarif Elektrik) 2011**.

(2) Perintah ini mula berkuat kuasa pada 1 Disember 2011.

Tafsiran

2. Dalam Perintah ini, melainkan jika konteksnya menghendaki makna yang lain—
“bulan peruntukan”ertinya suatu bulan kalendar yang bermula dari 1 Disember 2011.

Peruntukan dan pembayaran daripada tarif elektrik

3. (1) Tenaga Nasional Berhad hendaklah memperuntukkan dan membayar ke dalam Kumpulan Wang bagi setiap bulan peruntukan suatu jumlah yang bersamaan dengan satu peratus daripada tarif yang dikenakan dan dipungut, selepas ditolak apa-apa diskaun yang terpakai, di bawah subseksyen 26(1) Akta Bekalan Elektrik 1990 [*Akta 447*] daripada penggunaanya di Semenanjung Malaysia selain—

(a) pengguna domestik yang menggunakan bekalan elektrik sebanyak tiga ratus kilowatt jam dan ke bawah bagi setiap bulan; dan

(b) NUR Distribution Sdn. Bhd.

(2) Tarif yang dikenakan dan dipungut di bawah subperenggan (1) hendaklah berdasarkan kepada—

- (a) elektrik sebenar yang dibekalkan (dalam kilowatt jam); dan
- (b) di mana-mana jua terpakai, kesediaan bekalan elektrik (dalam kilowatt).

(3) Jumlah yang diperuntukkan yang disebut dalam subperenggan (1) hendaklah dibayar ke dalam Kumpulan Wang setiap bulan secara menunggak mengikut cara yang berikut:

- (a) pembayaran bulanan pertama mengandungi peruntukan yang dibuat dalam bulan peruntukan Disember 2011 hendaklah dibayar oleh Tenaga Nasional Berhad ke dalam Kumpulan Wang pada atau sebelum 1 April 2011; dan
- (b) setiap pembayaran bulanan yang berikutnya mengandungi peruntukan yang dibuat bagi setiap bulan peruntukan selepas Disember 2011 hendaklah dibayar oleh Tenaga Nasional Berhad ke dalam Kumpulan Wang pada atau sebelum hari pertama bagi bulan keempat selepas bulan peruntukan masing-masing.

Penyelarasan pembayaran

4. (1) Pihak Berkuasa hendaklah pada setiap tahun menyelaraskan semua pembayaran yang dibuat oleh Tenaga Nasional Berhad di bawah subperenggan 3(3) dengan jumlah yang bersamaan dengan satu peratus daripada tarif yang dikenakan dan dipungut di bawah subseksyen 26(1) Akta Bekalan Elektrik 1990 yang dinyatakan di bawah subperenggan 3(1) berdasarkan penyata kewangan teraudit Tenaga Nasional Berhad

(2) Pihak Berkuasa boleh, pada bila-bila masa, bagi maksud penyelarasan tahunan yang disebut dalam subperenggan (1), meminta Tenaga Nasional Berhad untuk

memberikan apa-apa maklumat atau dokumen sokongan lain dalam tempoh yang dinyatakan dalam permintaan itu, atau apa-apa masa lanjutan yang diberikan oleh Pihak Berkuasa.

(3) Apabila menerima permintaan di bawah subperenggan (2), Tenaga Nasional Berhad hendaklah memberikan maklumat atau dokumen sokongan lain itu dalam tempoh yang dinyatakan dalam permintaan itu atau apa-apa masa lanjutan yang diberikan oleh Pihak Berkuasa.

(4) Selepas penyelarasan tahunan di bawah subperenggan (1) dibuat dengan mengambil kira maklumat atau dokumen sokongan lain yang disebut dalam subperenggan (3), Pihak Berkuasa hendaklah mengeluarkan suatu laporan kepada Tenaga Nasional Berhad.

(5) Walaupun maklumat atau dokumen sokongan lain yang diminta di bawah subperenggan (2) tidak diberikan oleh Tenaga Nasional Berhad di bawah subperenggan (3), Pihak Berkuasa hendaklah meneruskan dengan penyelarasan di bawah subperenggan (1) dan mengeluarkan suatu laporan kepada Tenaga Nasional Berhad.

(6) Pihak Berkuasa hendaklah memberikan satu salinan laporan yang dikeluarkan di bawah subperenggan (4) atau (5) kepada Menteri.

(7) Laporan yang dikeluarkan oleh Pihak Berkuasa di bawah subperenggan (4) atau (5) adalah muktamad.

Mendapatkan semula kekurangan

5. (1) Jika laporan yang disebut dalam subperenggan 4(4) atau (5) menunjukkan terdapat suatu kekurangan dalam peruntukan atau pembayaran yang dibuat oleh Tenaga Nasional Berhad di bawah perenggan 3, Pihak Berkuasa hendaklah, dengan seberapa segera yang mungkin, memberitahu Tenaga Nasional Berhad secara bertulis tentang kekurangan itu dan meminta Tenaga Nasional Berhad untuk membayar kekurangan itu ke dalam Kumpulan Wang.

(2) Tenaga Nasional Berhad hendaklah membayar kekurangan di bawah subperenggan (1) ke dalam Kumpulan Wang tanpa apa-apa bunga dalam masa tiga puluh hari dari tarikh penerimaan pemberitahuan itu oleh Tenaga Nasional Berhad.

Pembayaran balik lebih bayaran

6. Jika laporan yang disebut dalam subperenggan 4(4) atau (5) menunjukkan terdapat lebih bayaran dalam peruntukan atau pembayaran yang dibuat oleh Tenaga Nasional Berhad di bawah perenggan 3, Pihak Berkuasa hendaklah membayar balik lebih bayaran itu tanpa bunga kepada Tenaga Nasional Berhad daripada Kumpulan Wang dalam masa tiga puluh hari dari tarikh pengeluaran laporan itu.

Dibuat 29 November 2011

[KeTTHA: BP(S) 9/14 Klt.3 (1); PN(PU2)693]

DATO' SRI PETER CHIN FAH KUI
Menteri Tenaga, Teknologi Hijau dan Air

RENEWABLE ENERGY ACT 2011

RENEWABLE ENERGY (ALLOCATION FROM ELECTRICITY TARIFFS) ORDER 2011

IN exercise of the powers conferred by subsection 24(1) of the Renewable Energy Act 2011 [Act 725], the Minister makes the following order:

Citation and commencement

1. (1) This order may be cited as the **Renewable Energy (Allocation from Electricity Tariffs) Order 2011**.

(2) This Order comes into operation on 1 December 2011.

Interpretation

2. In this Order, unless the context otherwise requires—

“allocation month” means a calendar month commencing from 1 December 2011.

Allocation and payment from electricity tariffs

3. (1) Tenaga Nasional Berhad shall allocate and pay into the Fund for each allocation month a sum equivalent to one per centum of the tariffs levied and collected, after deducting any applicable discount, under subsection 26(1) of the Electricity Supply Act 1990 [Act 447] from its consumers in Peninsular Malaysia other than—

(a) domestic consumers utilizing electricity supply of three hundred kilowatt hours and below per month; and

(b) NUR Distribution Sdn. Bhd.

(2) The tariffs levied and collected under subparagraph (1) shall be based on—

(a) the actual electricity supplied (in kilowatt hour); and

(b) wherever applicable, the availability of a supply of electricity (in kilowatt).

(3) The allocated sum referred to in subparagraph (1) shall be paid into the Fund monthly in arrears in the following manner:

(a) the first monthly payment comprising allocations made in the allocation month of December 2011 shall be paid by Tenaga Nasional Berhad into the Fund on or before 1 April 2012; and

(b) each subsequent monthly payment comprising allocations made for each allocation month after December 2011 shall be paid by Tenaga Nasional Berhad into the Fund on or before the first day of the fourth month after the respective allocation month.

Reconciliation of payments

4. (1) The Authority shall annually reconcile all payments made by Tenaga Nasional Berhad under subparagraph 3(3) with the sum equivalent to one per centum of the tariffs levied and collected under subsection 26(1) of the Electricity Supply Act 1990 as specified under subparagraph 3(1) based on the audited financial statements of Tenaga Nasional Berhad.

(2) The Authority may, at any time, for the purpose of the annual reconciliation referred to in subparagraph (1), request Tenaga Nasional Berhad to provide such information or other supporting documents within the period specified in the request, or any extension of time granted by the Authority.

(3) Upon receiving the request under subparagraph (2), Tenaga Nasional Berhad shall provide such information or other supporting documents within the period specified in the request or any extension of time granted by the Authority.

(4) After the annual reconciliation under subparagraph (1) is carried out by taking into consideration the information or other supporting documents referred to in subparagraph (3), the Authority shall issue a report to Tenaga Nasional Berhad.

(5) Notwithstanding the information or other supporting documents requested under subparagraph (2) are not provided by Tenaga Nasional Berhad under subparagraph (3), the Authority shall proceed with the reconciliation under subparagraph (1) and issue a report to Tenaga Nasional Berhad.

(6) The Authority shall provide a copy of the report issued under subparagraph (4) or (5) to the Minister.

(7) The report issued by the Authority under subparagraph (4) or (5) shall be final.

Recovery of shortfall

5. (1) If the report referred to in subparagraph 4(4) or (5) shows that there is a shortfall in the allocation or payment made by Tenaga Nasional Berhad under paragraph 3, the Authority shall, as soon as possible, notify Tenaga Nasional Berhad in writing of the shortfall and request Tenaga Nasional Berhad to pay the shortfall into the Fund.

(2) Tenaga Nasional Berhad shall pay the shortfall under subparagraph (1) into the Fund without any interest within thirty days from the date of receipt by Tenaga Nasional Berhad of the notification.

Refund of overpayment

6. If the report referred to in subparagraph 4(4) or (5) shows that there has been an overpayment in the allocation or payment made by Tenaga Nasional Berhad under paragraph 3, the Authority shall refund such overpayment without interest to Tenaga Nasional Berhad from the Fund within thirty days from the date of issuance of such report.

Made 29 November 2011
[KeTTHA: BP(S) 9/14 Klt.3(1); PN(PU2)693/II]

DATO' SRI PETER CHIN FAH KUI
Minister of Energy, Green Technology and Water